

enumerare, quorum magna pars arboribus & ijs quæ virent spoliata est. Iunguntur inter se *Imaus, Emodus, Paropamissus, Caucaſi partes, Indorum nemora*, ut ſcribit Sol. *in tam proceram ſublimantur excelſitatem, ut tranſſac-
ne ſagittis quidem poſſint. Pomaria Ficus habent, quarum caudices in orbem ſpacio ſexaginta paſſuum extuberantur. Ra-
morum umbra ambitu bina ſtadia conſumunt. Foliorum latitudo forma Amazonica pelta comparatur. Pomum eximia
ſuavitatis. Quæ paluſtria ſunt, arundinem creant ita craſſam, ut ſiſſis internodijs, lembi vice veſtiet navigantes. Hebe-
num arborem India ſola habet, & in præruptis petris arbores quædam thus exſudant. Habet & aliam arborem
ferentem Nuceſ Indiças. In VII ordines olim diſiſa univerſa gens fuit. I. erat Philoſophorum: II. Agricola-
rum: III. Paſtorum: IV. Artificum: V. Militum: VI. Locum Ephori tenent. Hi quæcunque in India ſunt in-
ſpicientes Regi referunt. Septimum vero conſciunt, qui publicis conſilijs præſunt, numero pauciſſimi, nobi-
litate prudentiaque maxime inſignes, Ex hiſ enim ad Regum conſilia, tum ad Rempublicam gerendam, tum
ad res dubias iudicandas aſciſcuntur. Duces inſuper ex hiſ deliguntur & Principes. Ad Leges porro & inſtituta
quod attinet, Legibus utuntur plerique non ſcriptis: quidam etiam ſcriptis: in quibus ſicuti & in Contractibus
maxima ſimplicitas: quod vel ex eo argui poteſt, quod non multum ſunt litigioſi: Nam nec Commiſſi nec De-
poſiti jura ulla habent, nec teſtibus indigent, nec ſigillis, ſed ſimpliciter credunt. Qui falſus teſtis deprehen-
ditur, extremis decurtatur digitorum articulis. Qui membro aliquo quempiam orbaverit, non modo talio-
nis pœnam ſubit, ſed etiam manu truncatur. Quod ſi quis Artifici manû oculum ve ademerit, capitale eſt. No-
bilitas generis ac ſanguinis apud hoſ ſummopere obſervatur, idque ex veteri inſtituto. Literas plerique eorum
ignorant, ſed memoriter omnia adminiſtrant. Sacrorum cura eſt penes *Gymnoſophiſtas* qui *Brachmani* dicun-
tur. hi etiam *Aſtologiã*, *Philoſophiã*, *Medicinã* ſectantur. Sunt præter hoſ etiam *Abduti*, qui ad tempus
aliquod abſtinent, & hoc ipſo poſtea putant ſibi ad omnia flagitia com meatum factum eſſe. Indis omnib. pro-
miſſa cæſaries eſt, cultus præcipuus cum gemmis, habitus diſcrepantiſſimus. Lino alij veſtiuntur aut Lana: alij
Ferarum Aviumque pellibus, pars nudi agunt, pars tantum obſcœna velati. Niger vulgo corporis color, in ma-
terno utero tales fiunt ſeminis diſpoſitione, quales ipſi ſunt qui genuere. Statura procera ac valida. Multas nu-
ptas habent, quas a Parentibus accipiunt, pari boum emptas, alias obedientiæ cauſa, alias proliſ ac voluptatiſ,
ac niſi caſtas eſſe cogant, fornicari licet. Artifices apud Indos magno in pretio: hi enim non ſolum immunes,
ſunt a tributo, ſed Frumentum inſuper è regia accipiunt, *Mercimonia* hic multis in locis maxime vigent, Aro-
matum imprimis, Lapillorum, Goſſypij, ac Serici.*

Silva.

Ratio guber-
nandi.Leges & Inſti-
tuta.

Mores.

Mercimonia.